

Internet meglierescha l'abitud da s'exprimer dad uffants

■ (sda/anr) Sche l'internet vegn integrà bain en l'instrucziun pon uffants da scola meglierar considerablament l'abitud da scriver. Els emperdan da raquinter a moda pli viva che uffants che scrivan mo cun penna e palpìri. Quai mussa in studi da la Scol'auto pedagogica dal nordvest da la Svizra.

L'internet fa part da la vita dals uffants e giuvenils. Quatter tschintgavels dals uffants tranter sis e 13 onns en Germania dovran il computer ina giada l'emna u dapli. Ina terza dals uffants èn members d'ina communitad en l'internet e sa participeschan almain ina giada l'emna ad in chat.

Blers creschids observan il svilup plain disfidanza: L'internet munta per els mo distracziun inutila u in privel potenzial per violenza sexuala.

Ma l'internet sa lascha era trair a nizz per meglierar l'abitud da s'exprimer en scrit, sco quai ch'in studi mussa. Il team enturn *Hansjakob Schneider* dal «Zentrum Lesen» ha fatg in studi cun 724 uffants en la vegliadetgna da set en fin diesch onns en ils chantuns Argovia, Turgovia e Basilea-Champagna.

La mesadad da las 44 classas ha già ac-

cess a la plattafurma «myMoment» en l'internet, nua ch'ils uffants pudevan scriver libramain texts, leger u sa disputar surlonder. La segunda grupp n'aveva nagina plattafurma, mabain mo penna e palpìri per formular texts.

Mats profitan da l'internet

Suenter dus onns han ils perscrutaders constatà ina differenza considerabla: Els uffants cun la plattafurma en l'internet avevan meglierà considerablament l'abitud narrativa en scrit. Lur texts eran pli vivs che quels da la segunda grupp, damai ch'els integravan meglier lur lecturs: Els vulevan plaschair ad els. Tgenis texts ch'ils lecturs avevan gugent pudevan ils uffants vesair vi dals «texts savens legids» sin la plattafurma. Era l'ortografia en lur texts era meglra, schebain ch'ils magisters n'han betg curregi quella.

Tar la grupp d'internet han ins strusch constatà differenzas da svilup tranter mats e mattas. En la grupp che ha scrit sin palpìri han mo las mattas sviluppà meglras abituds da scriver. Els perscrutaders supponan ch'il computer e l'internet porschan als mats ina calamita speziala da scriver.



Formular texts cun il computer ha per ils mats dapli calamita che mo scriver sin palpìri.